

Канон общий преподобномученице

Начало канонов (см. Чин чтения канонов)

После «Бог Господь»:

Если есть, тропарь преподобномученице, и Богородичен по гласу тропаря; если же тропаря нет, то читаем:

Тропарь общий преподобномученице, глас 4

Агница Твоя, Иисусе, *имярек*, зовёт велиим гласом: Тебё, Женише мой, люблю, и Тебё ищущи страдальчеству, и сраспинаюся, и спогребаяюся крещению Твоему, и стражду Тебё ради, яко да царствую в Тебё, и умираю за Тя, да и живу с Тобою. Но яко жертву непорочну прими мя с любовью пожёршуюся Тебё. Тоя молитвами, яко милостив, спаси души наша. *(Дважды.)*

Слава, и ныне, *Богородичен*: Еже от века утаённое и Ангелом несведомое таинство, Тобою, Богородице, сущим на земли явися Бог, в неслитном соединении воплощаемь, и Крест волею нас ради восприим, имже воскресив первозданного, спасё от смерти души наша.

Затем: Псалом 50

Канон, глас 8

Песнь 1

Ирмос: Поим Господеви, проведшему люди Своя сквозе Чермное море, яко един славно прославися.

Припев: Святая преподобномученице, *имярек*, моли Бога о нас¹. *(Поклон.)*

Сию светоносную память твою почитающему, богомудрая, просвещение ми подаждь, души моея тьму отгоняючи.

Всю от пелён тебе самую возложила еси Зиждителю твоему, *имярек*, и огнём воздержания телесныя страсти попалила еси.

Слава: К высоте мучения, мученице, возшла еси, не пощадёвши плоти, и чертогов мысленных, яко дева, сподобилася еси.

И ныне: Тя небомёрную лестницу, на нейже Бог утвердися, человеки небесны соделовав, Отроковице, почитаем.

Моли Бога о нас, святая преподобномученице, *имярек*, яко мы усердно к тебе прибегаем, скорой помощнице и молитвеннице о душах наших. *(Поклон.)*

¹ Этот припев повторяется перед первыми двумя тропарями в каждой песне канона. Перед первым тропарем первой и девятой песен припев читается с поклоном, в остальных случаях – без поклона.

Песнь 3

Ирмос: Ты еси утверждение притекающих к Тебе, Господи, Ты еси свет омраченных, и поет Тя дух мой.

Стояла еси пред судищем мучителя, славная, *имярек*, Христа Творца всех и Владыку, Бога Слова проповедаючи.

Доброта сердечная видимым зраком, славная, *имярек*, издавшись, ты краснейшую зрящим явила есть.

Слава: Богатство неистощимо исцелений тебе подаде, отроковице, Христос, Егоже нищету вольно возлюбила еси.

И ныне: Вещь грехов моих Твоих молитв огнем попали, Мати Света, росу ми божественную оставления носящи.

Моли Бога о нас, святая преподобномученице, *имярек*, яко мы усердно к тебе прибегаем, скорой помощнице и молитвеннице о душах наших. (Поклон.)

Господи помилуй. (Трижды.)

Если есть особый кондак преподобномученице, читаем его перед седальном.

Седален, глас 1

Агница словесная Агнцу и Пастырю принеслася еси пощением, мучением же течение скончавши, и веру соблюдши, *имярек*, темже днесь радостию совершаем, досточудная, священную твою память, Христа славяще.

Слава, и ныне, *Богородичен:* Молитвы Твоих раб прими, Богородице, и избави нас от всякия беды, яко рождающая Христа Спаса, Избавителя душ наших.

Песнь 4

Ирмос: Услышах, Господи, смотрения Твоего таинство, разумех дела Твоя и прославих Твое Божество.

Тя иго легчайшее Христово, мученице, понесшую от юности, тяжкое бремя носить беззаконующии осудиша.

Капли кровей твоих многобожия погасиша углие, лучи же чудес твоих, *имярек*, страстей вещь попалиша.

Слава: Выше земли вземся твой огонь, к персем, мученице, возгнетися, возгнещая твоё рачение, еже ко Владыце, дево.

И ныне: По рождестве пребыла еси нетленна, Дево, якоже прежде рождества, юна бо Младенца родила еси, прежде век познаваема.

Моли Бога о нас, святая преподобномученице, *имярек*, яко мы усердно к тебе прибегаем, скорой помощнице и молитвеннице о душах наших. (Поклон.)

Песнь 5

Ирмос: Утренююще вопиём Ти, Господи, спаси ны: Ты бо еси Бог наш, разве Тебе иного не вемы.

Неизнуренна огнем вещественным явилася еси, мученице, *имярек*, огонь бо ты

сердечный божественная любовь орошает.

Ударением лица, мученице, *имярек*, украсившись, врагов отразила еси мерзкое неразумие.

Слава: Протяжена на древе, богомудрая, *имярек*, любовью Жениха твоего Божественную страсть образовала еси.

И ныне: Поём Тя, всепетая Владычице Богородице, Бога бо препетаго плотию родила еси, Пречистая.

Моли Бога о нас, святая преподобномученице, *имярек*, яко мы усердно к тебе прибегаем, скорой помощнице и молитвеннице о душах наших. (Поклон.)

Песнь 6

Ирмос: Ризу мне подаждь светлу, одейся светом яко ризою, многомилостиве Христе Боже наш.

Сокрушаемо тело ранами, являше правость твоея совести стратотерпице, *имярек*, ко Христу Богу нашему.

Висящи высоко, раны, мученице, терпящи, и неуязвенно хранящи души благородие, *имярек*, достохвальная.

Слава: Терпяше сосцев отрезание, преподобная, верная млеком божественного рачения питаючи, славная.

И ныне: Человеколюбца рождши Бога, Боголюбивая Владычице, Того моли, геенны огня избавитися нам.

Моли Бога о нас, святая преподобномученице, *имярек*, яко мы усердно к тебе прибегаем, скорой помощнице и молитвеннице о душах наших. (Поклон.)

Господи помилуй. (Трижды.) Слава, и ныне.

Кондак, глас 4

Божественная память твоя, *имярек*, днесь возсиявши явися миру яко солнце, сказующи житие твое, ты бо воздержанием плотская движания разорши, и страдания крови уневестилася еси Христови. Темже хвалящая тя избави от всяких зол, да зовем ти: радуйся, матери преподобная.

Икос

Отверзи ми устне, преблаженная, богоприятными твоими молитвами, предстоящи Богу, всеславная преподобномученице, да воспую божественное твое житие, и возглаголю достойно страдания твоя, яже на земли теплою любовью совершила еси, и мученица была еси непобедима; воздержания верою исправила еси бдение, и чистоту возлюбила еси. Темже хвалящая тя избави от всех зол, да зовем ти: радуйся, матери преподобная.

Песнь 7

Ирмос: Отроцы еврейстии в пещи попраша пламень дерзновенно, и на росу огонь преложивша, вопиюще: благословен еси, Господи Боже, во веки.

Шум гласа празднующих идеже есть, ликуеши стратотерпице, *имярек*, с Девами

Бо́гу Зижди́телю песнопою́щи: благословѣн еси́, Го́споди Бо́же, во ве́ки.

Уды сокруша́емы зря́щи, *имярек*, и ногте́й истерза́ние терпя́щи, принесла́ся еси́ Бо́гу же́ртва, песнопою́щи: благословѣн еси́, Го́споди Бо́же, во ве́ки.

Слава: Яви́лася еси́ я́ко лоза́ Богому́драя, *имярек*, ру́це и но́зе я́ко ве́тви ре́жемы, и нам мы́сленно вино́ источа́ющи, сердца́ утеша́ющее, и страсте́й отвре́дающее пия́нство.

И ны́не: Во всего́ челове́ка облекся Несквѣрный, кроме́ греха́, из утробы́ Твоея́, Чи́стая, прѣйде Плотно́сец. Его́же умоли́, ве́рою Тя че́ствующия спасти́.

Моли́ Бо́га о нас, свята́я преподобному́ченице, *имярек*, я́ко мы усѣ́рдно к тебѣ́ прибега́ем, ско́рой помо́щнице и моли́твеннице о душа́х на́ших. (Поклон.)

Песнь 8

Ирмос: Седмери́цею пещь халде́йский мучи́тель богочестивым не́истовно разжже́, си́лою же́ лучшею спасены́, сия́ ви́дев, Творцу́ и Изба́вителю вопи́яше: о́троцы, благослови́те, священни́цы, воспойте́, лю́дие, превозноси́те во вся ве́ки.

Юношески до́бльствовавши, страстоно́сице всехва́льная, на прѣлесть воздв́игла еси́ победы́, рук бо лишѣ́ния и ног терпѣ́ла еси́, сосце́в же́ и зубо́в твоих искорене́ние, му́ченице, претерпѣ́ла еси́, в ра́дости песнопою́щи: лю́дие, превозноси́те Христа́ во ве́ки.

Всесвѣ́тла я́ко со́лнце дѣвства свѣ́тлостьми, и мучѣ́ния добро́тами облистала́ еси́, и мир просвети́ла еси́ светолу́чными сия́нии твоего́ терпѣ́ния, страсотерпи́це, вопио́щи: о́троцы, благослови́те, священни́цы, воспойте́, лю́дие, превозноси́те Христа́ во ве́ки.

Слава: Оскверне́нную страстьми́ ду́шу мою́, богоневѣ́сто, и очерне́нную прило́ги зми́я, твоими́ мо́льбами от лю́тых очи́сти и свѣ́тлым осенѣ́нием твоим, му́ченице, *имярек*, озари́ вопи́ти: священни́цы, по́йте, лю́дие, превозноси́те Христа́ во ве́ки.

И ны́не: Тя Чи́стую и Непоро́чную, де́ва жела́ющи, непоро́чно и те́ло и ду́шу соблюде́, страсте́й подпале́ния терпѣ́нием испепели́вши, искуше́ния же́ мно́гих претерпѣ́вши мук, и ны́не в небѣ́сных черто́зах лику́ет с Тобо́ю, веселя́щися во вся ве́ки.

Моли́ Бо́га о нас, свята́я преподобному́ченице, *имярек*, я́ко мы усѣ́рдно к тебѣ́ прибега́ем, ско́рой помо́щнице и моли́твеннице о душа́х на́ших. (Поклон.)

Песнь 9

Ирмос: Ужасѣ́ся о сем не́бо, и земли́ удиви́шася концы́, я́ко Бог яви́ся челове́ком плото́ски, и чре́во Твое́ бысть пространне́йшее небѣ́с; Тем Тя, Богороди́цу, Ангелов и челове́к чинонача́лия велича́ют.

Припев: Свята́я преподобному́ченице, *имярек*, моли́ Бо́га о нас. (Поклон.)

На древе́ повѣ́шена была́ еси́, Сло́ва Бо́жия образу́ющи страсть блаже́нную, и отсе́чение терпѣ́ла еси́ рук твои́х и ног, зубо́в искорене́ние, язы́ка же́ отвре́зание и сосце́в, чи́стая, *имярек*, мона́шествующих сла́во и му́чеников украше́ние.

Я́ко невеста́ украси́лася еси́ добро́тою, обручи́вшись Жени́ху страда́ньми добротво́рными: внутрь же́ черто́гов светови́дных я́ко избра́нная всели́лася еси́, нося́щи свещу́ дѣвственную. И ны́не ца́рствуеши с живу́щими во ве́ки, *имярек*, сия́ющи.

Слава: Искáпают болѣ́зни твоя́ сла́дость, греха́ го́ресть отъѣмлю́щу, ра́ка же́ то́чит исцелѣ́ний ре́ки, и потопля́ет вся стра́сти и недуги́ лю́тыя, в сла́ву Спа́сову, чи́стая,

имярек, иже по достоянию ты славят.

И ныне: Понёсшаго Тя плоть от Жены́, яко позна́ мученица Твоя́, Го́споди, дѣвственными украшена лучами, и мучения крѳвию обагрена, Тебѣ́ Бо́гу, в след Матере Твоея́ славно приведѣся, яко царствующему твѳрию.

Моли́ Бо́га о нас, святая́ преподобномученице, *имярек, яко мы усѣрдно к тебѣ́ прибегаем, скорой помощнице и молитвеннице о душа́х наших. (Поклон.)*

Затем окончание канона (см. Чин чтения канонов)

Тропарь общий преподобномученице², глас 4

Агница Твоя́, Исусе, *имярек, зовѣт велиим гласом: Тебѣ́, Женише́ мой, люблю́, и Тебѣ́ ищущи страдальчеству́, и сраспинаю́ся, и спогребѳаю́ся крещѣнию Твоему́, и стражду Тебѣ́ ради́, яко да царствую в Тебѣ́, и умираю́ за Тя, да и живу́ с Тобѳою. Но яко́ жѣртву непорѳчну приими́ мя с любовью́ пожѣршуюся Тебѣ́. То́я молитвами, яко́ милостив, спаси́ ду́ши наша́.*

Если есть, особый кондак преподобномученице, и затем:

Кондак, глас 4

Слава: Божѣственная пѳмѳть твоя́, *имярек, днесъ возсиявши, явися́ мѳрови яко́ со́лнце, сказующи житиѣ́ твоѣ́, ты бо воздержѳнием плотскѳя́ двизѳния разѳрши, и страдания крѳвию уневѣстилася еси́ Христѳови. Тѣмже хвалѳщая тя избѳави от всяких зол, да зовѣм ти: раду́йся, ма́ти преподѳбная.*

И ныне, *Богородичен: Еже от вѣка утаѣнное и Ангелом несвѣдомое та́инство, Тобѳою, Богородице, сущим на землѳ́ явися́ Бог, в неслѳтном соединѣнии воплощѳемь, и Крест во́лею нас ради́ восприим, имже воскресивъ первозданнаго, спасѣ́ от смѣрти ду́ши наша́.*

Затем:

«Честнейшую Херувѳм:», и прочее (см. Чин чтения канонов)

² Общий тропарь читается, если нет отдельного тропаря. Если же есть, то читается отдельный тропарь.